

COMUN: I ufizi de comun é stluc en lönesc, ai 30 d'aurí 2018.

L'implant de recizlaje Alfur é stlüt en dedolönesc, al 1 de ma, mo é porchël davert en dedemesaledema ai 02 de ma, dales 9.00 ales 12.00.

PLOANIES DA SAN MARTIN Y LUNGIARÜ

Corona de Ma: Al vëgn racomané, da tigní vigni sëra na funziun de ma tles families. Sc'an dij la corona, desson tigní l'ordin di misters, sciöch'ai é da ciafé tl pice liber de Jeunn al nr. 12: misters de ligrëza, de lominus, dla pasciun, de gloria. Le medemo ordin vel ince por la prozesciun de Jeunn. I orun s'ausé da mète i misters dla löm tl dër post, sciöche la vita de Gejù s'al dá dant. – An podess ince ti lascé fá sö ai mituns n pice alté de ma te stüa cun na statua o n cheder de Santa Maria y ciüfs frësç da n bun odor.
Le ploan

La Uniun dles Ères Catoliches dl Decanat Val Badia inviëia i geniturs che á n viadú da batié, pers che aspeta, toc y totes ala preparaziun dl bato en sabeda ai 5 de ma, dales 15.00 - 17.00 a La Pli tl salf dles uniuns. Prenotaziuns 328 07 17 796.

Le KVV inviëia vëdui, vëdues y porsones sores en Lönesc de Pasca de ma, ai 21 de ma, al peregrinaje fora en Tirol tla bela dljia de Mariastein. Le iade cun marëna costa 38 euro plü la boanda. I piun ia da San Laurënz dales 08.15 y rovun derevers dales 18.00. Prenotesse cina ai 12 de ma pro osta surastanta dl KVV o cina ai 16 de ma pro le KVV da Bornech 0474 411 149.

En jöbia, ai 3 de ma, dales 15.30 - 17.30, s'incunta tl Raiun Sozial Val Badia a Picolin le grup de tēmp lēde Atmosfera por ères y èi atocá da problems psychics. I modelarun arjila do nosta fantasia. I se tolun dlaurela da s'la cunté cun Irina Tavella y Barbara Rungger. Info pro Sabine Rainer 0474 524 519. Düc é inviá.

Invit al Concert d'Aisciöda dla Musiga de Badia (che incunta la Spona) en domënia, ai 6 de ma, dales 17.00, tla Ciasa J.B. Runcher sön Badia.

Baratada de ciüf, pelzes y somënzes le lönesc, ai 07/05, dales 20.00, tl salf di stödafuch a San Martin: Dales 20.00 tēgn Hildegard Kreiter n referat „Im Garten und in der Natur dem Power-Grünzeug auf der Spur“ cun de bugn consëis por erbes aromatches, ciüfs y verzöra. Dedô baratada. Portede ci ch'i èis dessurora fora de üsc urc por les 19.30 y scriede sö la sort de plantes. I ciafëis ci che ves mancia, lascian val' picia spëhora. (org. Uniun dles Patrones S. Martin de Tor)

Seminar de retorica cun Alex Ploner (se presenté, vëne, marketing,...) de 8 ores en sabeda, ai 12 de ma, tl Istitut Ladin 0474 523 110 o formaziun.vb@micura.it

Le Sorvisc ai Jogn: Curs da s'arjigné al ejam de trilinguism cun Daria Valentin dal lönesc al vëndres, 20-24 d'agost, dales 19.00 ales 21.00; cost: 20 euro. info y iscriziuns 0474 523 070 (lönesc-jöbia dales 8.00-12.00 y dales 13.00-17.00).

Döt le bun a chi che complësc i agn de ma

a San Martin: Emma Costabiei che nen compësc 81 al 1
Nina Rubatscher Tolpeit che nen complësc 88 al 1
Zita Prada Planatscher che nen complësc 83 ai 5
Pio Baldissera che nen complësc 89 ai 8

a Lungiarü: Cecilia Daporta Pezzei che nen complësc 90 ai 8
Monica Mischi Daporta che nen complësc 82 ai 13



www.unitepastorala.org

Plata dles Ploanies San Martin y Lungiarü

siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

29.04.18 – 06.05.18 nr. 22

termo da publiché: jöbia 20.00
radio: 90,40 / 93,70

5ª DOMËNIA DE PASCA – B

Vangele do San Jan 15,1-8

Iö sun le dër lëgn da üa, y mi pere é le vignadù.
Vigni rama che ne porta nia früt te mè, tàiel ia
y vigni rama che porta früt, purifichëiel por ch'ara portes deplü.
Os sëis bele purificà cun la parora ch'i ves à dit.
Romagnede te mè, spo romagni iö te os.
Sciöche la rama da üa ne sciafia nia
da portè früt da d'ëra instëssa,
mo mâ sc'ara romagn pro le lëgn,
insciö ne sciafiëise gnanca os da portè früt,
sc'i ne romagnëise nia te mè....
Sce os romagnëis te mè
y sce mies parores romagn te os,
spo periede do döt ci ch'i orëis: i le ciafarëis.



*Por capí plü sot l'imaja dl lëgn da üa y dles rames, él dërt da savëi:
Te Israel gnô le lëgn da üa odü sciöche le lëgn dl Messia
y tla Grecia sciöche le simbol dl'abondanza dla vita.
Sce Gejù dij da ester le dër lëgn da üa,
spo nes impormëtel da nes scinché ci ch'i s'aspetun dal lëgn da üa.
Ince sce Gejù nes racomana da portè früt,
vëgn impó l'abondanza scincada da d'ël.*

*Tl'eucaristia tignunse vi le lian cun Gejù
che é le dër lëgn da üa.
Sc'i ne tolun nia pert al'eucaristia,
ne sciafia Gejù nia da operé te nos,
ne sciafiunse nos nia da portè früc.
Pordërt é bele la zelebrazion dl'eucaristia instëssa,
l'uniun cun Gejù, le pröm früt.
Y degöna uniun ne sciafia da resté zënza früc.*

	SAN MARTIN	LUNGIARÜ	
29.04.18 5^a DOMÈNIA DE PASCA B	9.00 Corona 9.30 Gran Mëssa dla comunité	7.55 Corona 8.15 Gran Mëssa por la comunité	
30.04.18 Lönesc <i>Hildegard, Rosamunde</i>			L'ultima domènia unse perié do vocaziuns: perié che le Signur nes chërdes y perié ch'i sunse bugn da ascuté súa usc y da respogne. Y sègn dedô se tratera da nes damané: Olá é pa mi post tla comunité cristiana che ti vâ do a Gejú, y cal é pa mi compit? Gejú ó chi portunse früt. Al pê sciöche Gejú oress nes mête sot a stres, prësc sciöch'ara vâ pro tl monn dl laur, tres deplü y mai assá. Zënz'ater adora ince la fede impëgn y prestaziun. Sc'i ne me dá nia da fá y ne sun nia arjigné da investí, ne sciafii gnanca da porté früt. Mo Gejú ne n'ó dessigü nia esageré. Ince sc'al ghira da un n vers, dal ater vers dâl súa assicuraziun: Èl é le lëgn da üa, i ne n'un nia bria da porté früt zënza èl.
01.05.18 Dedolönesc <i>al mët man le</i> <i>Ojöp Laurant</i> <i>mëis de S. Maria</i>	8.00 Mëssa sô Ju en onur de Sant Ujöp Laurant por i benefaturs dla capela + + Milia Vantsch y Franz		
02.05.18 Dedemesaledema <i>Atanase, Sigismund</i>	19.30 Corona de ma a Bioch 20.00 Corona de ma sô Frëina	7.50 Mëssa di scholars + Gottfried Dapunt dl ann + Serafin Canins dedô Corona de ma	
03.05.18 Jöbia <i>Iaco y Filip, apostui</i>	7.30 Mëssa di scholars + + de Franz Planatscher + Fonjo Unterweger + + siur Bertrand y Paula Vollmann Corona por vocaziuns	19.30 Corona de ma dala Grota	
04.05.18 Pröm vëndres <i>Florian, Guido, Valeria</i>	Comuniun ai amará pian ia da Lungiarü sciöche zënza 18.30 Adoraziun chîta <i>degöna mëssa</i> 19.00 Devoziun a Santa Maria	<i>degöna mëssa dadoman</i> Comuniun ai amará pian ia da Lungiarü sciöche zënza 18.30 Meditaziun do le Tru dles Staziuns cun i Comunicanc y la Uniun Ères Mëssa tla Capela Incuntada di geniturs te calonia	
05.05.18 Sabeda <i>Iuta, Sigrîd</i>	15.30 Mëssa tla Ciasa de Palsa 18.30 Mëssa prefestia + Elena Rubatscher Zingerle + Giovanni Tavella + + + Nane, Monica y Arcangel Zingerle	20.00 Mëssa prefestia + Zita Daporta + Franz Pezzei + + dla Ciasa da Paur	
06.05.18 6^a DOMÈNIA DE PASCA B	8.40 Prozesciun de S. Florian a Picolin 9.30 Gran Mëssa en onur de S. Florian por i Stödafüch 19.30 Corona de ma sô Ju	7.55 Corona de ma 8.15 Gran Mëssa en onur de S. Florian por i Stödafüch Prozesciun ia dal Pech y Benedisciun auti, mascins y ciafers 15.00 Corona de ma tla Capela de S. Ujöp	
			 I periun do l'intenziun dl Papa por la misciun di laics: I cristians dl monn da incö é cherdá de vigni vers; che ai sides bugn da ti ester a so compit.